



14506

III

Mo. St. Dr.

P

Venceslaus

resnensis

Ravennae Sac. Jern Collegii Capitulum
Leoburgianae gloriae.

PANEG. et VITAE

Polon. Fol.

Nr. 552.

Handwritten text at the top of the page, possibly a title or header.

Handwritten text in the upper middle section of the page.

Vertical text on the right edge of the page, including a purple stamp with the word "VNI" and other illegible characters.

CAPITOLIVM
LESZCZYNIANÆ GLORIÆ,

Dum

ILLVSTRISSIMVS PRINCEPS,
REVERENDISSIMVS ANTISTES,
DOMINVS DOMINVS,

VENCESLAVS

COMES à LESZNO,

LESZCZYNSKI,

Dei & Apostolicæ Sedis Gratiâ,

ARCHIEPISCOPVS GNESNENSIS,

Legatus Natus, Regni Poloniae Primas, Primusq;

PRINCEPS. 145064

Supremam Pontificij Honoris Aram Arcemq; adiret,

ÆTERNITATI CONSECRATVM,

ET

Augustis Heroum ac Virtutum Imaginibus,

A Deuotissimo Suae Celsitudini Rauensi Woluciano

SOCIETATIS IESV COLLEGIO,

EXORNATVM,

Eidemque Illustrissimo Principi,

Inter Solennes lætiora ominantis Poloniae plausus,

RELIGIOSE PRÆSENTATVM.

Anno à Principe Pacis, M.DC.LIX.

CRACOVIA,

In Officina Typograph. Vidua, & Heredum Francisci Cezary, S. R. M. Typographi.





EC
D
L
AR

ILLV



Casibu
quam
ret. s
Fortu
tiali
non ob
tum I
rum,

AD ILLVSTRISSIMVM PRINCIPEM
ET REVERENDISSIMVM DOMINVM
D. VENCESLAVM
COMITEM à LESZNO
LESZCZYNSKI,
ARCHIEPISCOPVM GNESNENSEM
LEGATVM NATVM
Regni Poloniae Primatem
PRIMUMQUE PRINCIPEM

ILLVSTRISSE AC REVERENDISSE PRINCEPS.



*CAPVT olim Romanis repertum in fundamen-
tis, Aeternitati Urbis augurium dedit, iam
tum promittentibus fati in tantam assurrectu-
ram Maiestatem; vt illam vel deposito non vno
Regali, ad Regnatricis pedes capite, ipsis suis
Casibus ad reuerentiam inclinatus, vel ruinâ ipsâ prostratus, tan-
quam Augustum Orbis Caput, Primamq; Principem Orbis adora-
ret. Quæ nascentem Romanam, eandem & Vestram excepit
Fortuna Gentem. In ipsis & hîc Senatoriæ Domûs ferro Mar-
tiali CAPVT erutum fundamentis: hoc est, ingens Gloriæ
non obuiâ Sorte inuentus, sed arduo nisu effossus Thesaurus, iam
tum Illustrissimæ Domûs Omen erat; CAPVT pæne alia-
rum, ac fortissimum futuram Patriæ CAPITOLIVM, atq;
Regni*

*Regni Primates, Primosque Principes, ac quot Posterorum
Capita: tot numeraturam vel adoreas, vel Tiaras. Impal-
lueramus nos, fateor, ad primum Purpuræ Tuæ aspectum, &
tantæ audaciæ rei euocaueramus in vultum conscientiam, tenui-
tatis suæ testem, ubi PRINCIPIS laudes, non nisi à Principe
Eloquentia, tentandas esse conclusimus. Sed TV, ILLVSTRIS-
SIME PRINCEPS, cui humanissimus vel iacentia attollendi
usus, pridem transiit in naturam, toto Gentilitio CAPITIS,
fluctuanti Eloquentiæ annuisti, ut auderet; & audet iam. Quidni
audeat? postquam inter metum, venerationemque media, Sapien-
tissimum Gentis Vestræ consuluit CAPVT. Vnde tanquam
ex Oraculo & officina Sapientiæ, non armata minùs, quàm au-
rata Sarmatiæ prodeunt Consilia; hinc & nostra feliciter enata
Inuentio est. Nihil hîc loquimur, nisi quod Vestrum, verè AV-
REVM CAPVT inspirat. Admittes vel tanta in luce atratos,
Gentilitio scilicet CAPITI Tuo concolores umbras, quæ, la-
tentes etiam, Serenioribus Principis Mitræ radiis illustrari pos-
sunt. Et dum in pridem erecto, architectante Sapientiâ Vestrâ,
Gloriæ Vestræ CAPITOLIO, TVAS in TVORVM,
TVORVMQUE, in TVIS Imagines meritorum, Virtu-
tumque leges, in felicissimum Illustrissimæ Celsitudinis Tuæ
Clientum transcribes numerum, Tuo Illustrissimo Nomini,*

Æternùm deuotam

Collegij Woluciani

SOCIETATEM IESV.

CAPITOLIVM LESZCZYNIANÆ GLORIÆ.



Hoc demùm est, CASIMIRE REGVM POTENTISSIME, PATREM esse PATRIÆ, tot viua illi attollere Propugnacula; quot sublimia in sublime prouehuntur CAPITA. hoc est, Regiam cælo proximè admouere Felicitatem, proximè Regio emeritas Virtutes Solio admouere. Nunquam Vos Terrarum Numina vicarias augustius Dei vices impletis: quàm dum similes Vobis procreatis. Non inuidet suam mortalibus Fortunam illa Maiestas immortalis, ac tantùm cum illis partitur sua; quantùm humanorum capax mensura votorum est. Tunc Tibi Clienti poplite, vt benefico suo Numini, iure decrescit Polonia, dum Tibi quàm simillimos eminere iubes, quiq̃ue Te Vno minores, Maiores sint, etiam ijs, qui Maximi sunt. Vni Regiæ Liberalitati acceptos refert Sarmatia, fecunda Heroum Genitrix, quoscunq̃ue vel in fago, vel in toga magnos numerat. Nunquam vel belli fulmina, vel splendores micarent palatij, nisi à Serenitate Tua accenderentur. Nimirum, nec cruento defacrata Gradiuo Castra, nec Regia Pacis, Curia, vel manu

B

stre-

strenuos, vel consilijs fortes viderent, si praeuentia
merita praeium non sequatur; Si Sola sibi Vir-
tus pretium sit, sola ex conscientia merces. De-
sint dignitates, propè deerunt, qui digna faciant.
Affringere palmas, Vota Principum sunt? ab ex-
plicatis in subditos eas praestolentur palmis, suo-
rumque prius patientiâ magis, quàm potentiâ, &
dulci benefactorum tormento, aut flectant ani-
mos, aut frangant, detriumphent affectus. Erunt
graues illae hosti dexteræ, quæ ab auro pondus ac-
ceperint. Quòd si plùs ab hostibus plumbi, quàm
à Regno argenti miles capiat, quis plumbo venale
mortibus offerat Caput? quis obuiò ferro, licèt
Martis hospitium, pectus opponat? Paruo equi-
dem venditur Heroum anima, si vel ingenti auri
cumulo, immò montibus aureis rependatur. Cru-
entis, si necessum habeat esse contentus Miles
manubijs, nã ille, à suis citiùs, more hostili ster-
nens omnia, raptas ostentabit exuias, & focis an-
tè direptis Patrijs, tum demùm incalescet in ho-
stem. Illi ante alios, altiores conscendant sellas,
qui bellatorem equum, dum vocaret tuba, con-
scenderunt alacriùs. Illis Aula faueat, qui tot pa-
tentes ad Gloriam, in sectis vultibus, tot disertos
pro Domo sua Oratores; quot exarata hostili ferro
vulnera, & memores adhuc belli cicatrices, osten-
dunt. Illis consignentur Privilegia, vel fuso san-
guine, qui ductis palmaribus hostiles per genas li-
neis, Regale in Æternitatis Fastos Nomen indu-
xerunt. Illis maximè Honores prehendant ma-
nibus,

nibus, quas reliquerunt in Castris deciskas : ante-
ambulorum fulciantur Scipionibus illi, quos Sci-
piones Patriæ Campus vidit. Illi ad capiendos
Honores anteeant omnibus, qui ex vulnere in
prælio accepto claudicant. Ij demum sedeant in
Curia Primi, qui vltimi, asperfo ex cædibus cam-
po capitibusque confito barbaris: hoc est, à pul-
cherrima Famæ segete, onusti victorijs redierunt.
Olim iam argenteis tubis vel Dominus Exercitu-
um accendere Martem iusserat. Nempè ad con-
centum argenti, alacer in hostem exilit Miles.
tinniunt æra? videbit mox Campus Martius *Cho-
ros Castrorum*: adeoque *A R C A* præduce, vel
sine Duce, vel ante Duces, *Ibit in aduersos*, gene-
rosus Miles. ibit? volabit immò, non ex vano,
quadrupedantibus alas affingens; postquam He-
roibus ipsis, Patriæ Amor addidit alas. Quid in
Curia? nisi spes Honoris affulgeat, aurea & hîc
ingenia vix fulgebunt: nec multi pro Libertate,
pro Gloria, pro Aris, & Focis Patriæ, doctum cala-
mum animosè stringent; nisi subscribendos Rega-
li manu, sibi olim Titulos, nisi vel pulchrioribus
se ornandos coloribus, vel altiùs illis ipsis, quas
Patriæ aptant, pennis, subuolatueros confidant.
Ita vnica ferè ingeniorum Nutrix Dignitas est;
Honorque, nisi Artes & Martem alat, & Mars &
Artes iacebunt. Itaque Sapientiamné hîc ego pri-
us, an Liberalitatem Tuam venerer Liberalissi-
me REGVM, REGVM Sapientissime CASIMI-
RE, qui eos Honoribus ornas maximè à quibus

maximè ornatur Patria? Nec scio, fortunatiusné
Gloriæ T v æ militat, quòd Nouos Homines
Luci, & Orbi ostendas; an quòd nouis Titulis de-
coras antiqua Nomina, quibus nec Virtus deest
antiqua, quibusuè meruisse præmia, præmium
est; nec mercedem præclarè actorem requirunt
aliam, quàm egisse præclarè. Habeat pondus apud
PRINCIPEM VOX SANGVINIS, qui pro dignis
se posteris, & in quibus ignauo nec dum est senio
corruptus, perorat. Tales se, REGVM MAXIME,
Maiores Tui Magnis LESZCZYNIANI Sanguinis
exhibuère Maioribus: Talem TE non minor il-
lis, illorum, non minoribus præstas Posteris; pro
quibus hinc mites Oleæ, hinc forti dexterâ præ-
cisæ Laurus, Castra inde, inde Forum declamat.
Hi estis, Illustrissimi LESZCZYNI quibus non
Honor in pretio, sed in Honore Virtus est: nec
Umbras à Sole isto profectas prensatis, sed vos in
totidem Regni Soles effingitis: *Non Magni No-
minis Umbram*, sed magnam lucem ancillatrix
Gloriæ Vestræ, ipsas Vobis ad Cunas Fortuna de-
fert. Satis Vobis est, dicam semel, quod LESZCZY-
NI v s sanguis estis: iam nisi ad graues victorijs Cla-
uas, ad interpretes Regiæ Mentis calamos, ad Æ-
rarij Claues, ad suprema Tiararum fastigia cresce-
re non potestis. Vbi meta alijs, Gradus Vobis:
nec iter ad Honores aliud, nisi per ipsos. Atque,
vt alij ad tristiores tenebras solo originis vitio da-
mnati, si Lucem aliquando, post tot Cleanthis lu-
cernas: post tot Mineruæ, (quales Vlyssi præ-
tule-

tulerat) lychnos aureos : post exusta à calenti pe-
ctore incensis flammis, Castra hottilia, sic demùm
illustrati publicam prorepunt in lucem, ægrè su-
am capiendo, nuper nati Homines felicitatem,
pæneque vix credunt se quanti sunt, tantos iam
esse. Vobis vel ipsæ auitæ Cæræ ad accendendam
Gloriam, ad illustrandos Titulos, ad publicam in
facie Regni lucem abundè suffecerint. I nunc
quisquis, quia miser es, miserum esse *Alienæ in-*
cumbere Famæ contendis, illudque vnum glorio-
sum iactas; *Ex se cæpisse* : & fontem potius gene-
rosi Sanguinis, quàm riuum ferri. Hoc nempè est
alienæ inuidere felicitati : hoc adoratam Maio-
rum admordere Virtutem, ac pessimè de his me-
reri, quos optimè de patria meritos, Orbis colit,
Posteritas miratur, Patria grata adorat. An verò
illæ magnæ Animæ, illa venalia posthumæ Fa-
mæ pectora, ideò in nudos prouolabant enses, la-
cessebant pericula, vt nullus progigneretur suis
vltor ex ossibus, qui *se bene prosperis excusaret ar-*
mis, vt non sanguinis sui purpurâ Posteris ador-
naret suos; in quos, eadem, cum sanguine animo-
que viâ, felicitas enataret? hæc illis iam è vita
abeuntibus vota : hoc totis vulneribus, tanquam
totidem referando ora anhelabant, ILLUSTRIS-
SIMI LESZCZYNI : ideo illi inter homines esse de-
sinebant; Nepotes vt sui aliquid augustiùs inter
Homines essent : ideò pedes ipsos, indecorem de-
dignati fugam, hostibus immortui, Martiali reli-
quere in arena; vt his ipsis pedibus, sacrata rele-

fulgurat Mauors' quot humanos Ioues aureo imbre
 prodigos! quot Lunas Regis Solis Vicarias, plena
 in luce stupore defixus veneror! Iubescné, híc IL-
 LVSTRISSE PRINCEPS, euocemè Fatorum
 nocte ad Splendoris Tui Diem, Splendidissima
 TVORVM Nomina, & scintillantes Suæ luce
 Gloriæ in funere ipso umbras? Sed olim iam has
 Karnkouiani excussus Helicon pede AGNI, diui-
 num quid sonante Mercurij Citharâ gloriosum
 Magni Prædecessoris Tui excitauerat in trium-
 phum. Quiescite ô Sancti Cineres! non Vos
 ego grandiori animabo tubâ Martis; sed leniori-
 bus fistris ad æmulam VESTRI imitationem
 Poloniam admonebo.

*Aureos Lechi reuocate mores,
 Aureos & iam reuocastis annos:
 Quâ præt Virtus; famularis urget
 Cópia gressus.
 Hinc pharetrata radient Cateruæ,
 Fulminum hinc celsæ sonitu aneorum
 Intremant Arces, ager inde strictis
 Fulguret hastis.
 Si Pios audax Superos rapinis
 Prouocat Miles, neq; pena fractas
 Vindicat Leges, scelerumq; turma
 Castra sequuntur;
 Torquet aduerso malè tela Celo.
 Pura mens fortes creat: at Leones
 Vertit in Ceruos Scelus, & tuis te
 Immolat armis.*

Impro-

*Improbi centum fugient vel unum :
Æquus in centum bene pugnat unus :
Pectus huic thorax tegiturq; frontem
Casside , celo.*

*Orbis euerſi impavidus ruinam
Victor aſſurgit ſuper , atq; mortes
Enſe terrebit , Patria m̄q; ab ipſa
Eruct urna.*

*Arduum ſurgens adamante murus
Repat in celum , mediumq; turres
Inferant Stellis Caput , obſeratis
Undiq; valuis ;*

*F. triplex Urbem capit , & beatas
Fraus , Fames , Ferrum , populatur Arces :
Si ſimul clauſis habitat nocens -
- Discordia portis ;*

*Lite ſi feruent Fora , ſi Lyæo
Hic ſua aſſurgunt Paphiæque Tempia ,
Nec profanatis noua dedicamus
Pergama Diuis :*

*Si Foro Virtus ſtetit in ſceleſto
Ipſa Venalis , cecidiſtis Urbes :
Turris in muros ruet , alta pinget
Mania Sanguis.*

*Pectorum fortis ruitura nexus
Regna tutatur , meliusq; nudus
Protegit Gentes Amor , & labantes
Sospitat Urbes.*

*Non egent Scuto bene fæderata
Ciuium mentes : ſociata murum
Corda ſupplebunt , neq; firmiores
Ars dabit Arces.*

*Si tenax clausum manus abdit aurum,
Si Pyropeas premit urna cistas;
Aëra cum Martis fragor, & latentes
Increpat arcas:*

*Publicas cum Res cecidisse coget
Ira mucronum, simul & Penates
Aequa priuatos subito ruina
Funere merget.*

*Frangat auratos generosus Orbes
Ardor in Pacis pretium: reposit
Tota Pactoli vada? tota currant
Flumina Paci.*

*Fictili tutam melius Salutem
Haur am Vitro. procul ite gemmae;
Dulce cui ferrum; bibat ex redemptis
Sanguine gemmis.*

*Sed, veto, Sacras prius ausit Aras
Dextra votiuus spoliare donis,
Congi ingentes rigido liquefiant
Ante Gradiuo:*

*Tunc propinabunt Patrie Salutem:
Tunc & aduersis sua Fata turmis
In Characteres globus ibit auro
Ritè refusus*

*Ibit argento. bene nundinamur
Hostium clades, licet aurearum
Glandium damno: bene fracta Pacem
Pocula fundent.*

*Quin & afficto pretiosa fuco
Atq; Hydaspeis radiosa conchis
(Pollui tabo metuunt venusta)
Arma liquemus.*

Quæ

Quæ ego breui paginæ, pridem hæc magna illa Domûs Vestræ Decora auro inscripserant poltibus laureatis. illorum Valuis veriùs inciderit memor Patria, quod aliquis melleo Apum hospitio: *Priuati nil habet ista Domûs*: Publicæ illi laborabant, non suæ Fortunæ: nulla auri & pretiosioris auro Sanguinis parsimonia. Procul exempti ab illis, qui vel in ruderibus euersæ Patriæ Domum velint fundare suam; apud quos priuatæ rei Studiosos nomen amisit Respublica. Illi splendide obscuros se credidissent, si Fortunæ suæ luce se tantum & suos, non & Imperium illustrâssent. Vt mihi hîc latè recessêre Oleis lauruque coronata CAPITOLII Gloriæ Vestræ Atria! vt totâ Maiestate radiant diui Honoris Sacraria! O quàm lætos, per tot, cultum omnem ac reuerentiam promeritas Tuorû imagines circûfero oculos, PRINCEPS Illustrissime! quibus hîc Primò tributariâ veneratione decrescat facundia? Palatinisne? qui quid quid infaustus olim Palatinorum Zodiacus monstrorum Polono orbi ostenderat, dum quæ plures tenebât, pæne Sceptra frangerent, abundè pensârunt. An Castellanis? non frustra hoc nomē meriti, quos opû diuites publica est experta semper necessitas: virtutibus etiam opulentiores, ideoque verè Dominos, tota vidit Sarmatia. An Arcium Præfectis? sublimior ipsis Arcibus istorum Animus cælo propè admotus. Sed enim mihi ante alios Magni REGVM Ante ambulones dicendi libertatem annuunt? Esto alibi alij sint, *Primi exi-*

tio saepe sequentibus; hi salutem: gestent alibi ita Virgas alij; ut degenerent in Colubros, vel Matri Patriae viperarum in morem virus propinatu-
ros, dum in Virgis illis priuata tantum sua *Domus inclinata recumbit*: è Vestrorum Caduceis praesentissima semper emanauit Regno laboranti theriaca. Quanquam graues meritis, non toto tamen pondere Virgis illis incubuerunt; ut non magis suis meritis Patriam, quam insignia merita Insignibus istis fulcirent. Quanti estis! quos nec Regibus pudor sit praeeuntes sequi, submouendo obstantia omnia Maiestatem. quam dexteritate ad subditorum etiam Cordis Arcem iter PRINCIPI, eadem & Vobis ad Nominum fastigia aditus aperitis. Quam alto estis animo, qui insolentio-
rem, si efferre se aliquando auderet, Virga illam castigare dicendi licentiam auderetis. Quidni Vocem dispensetis, quibus ita altum, ita ex Mundi libro, ex magistrae experientiae disciplina eruditum CAPUT, quibus est *Consilium Domi*? Quidni Vota dirigatis, quibus Regni incolumitas Vnicum Votum est? Quanquam apud nos adimere posse vocem cuiquam, quam dare posse, prodigiosius: ubi tot liberae voces, quot nati Liberi: tot noui Tullij, immo vel Senecae, vel noui Taciti; quot Curia linguas audit. At verò Vos non semel elinguem Curiam, Vestrisque toto annuentem capite rationum momētis, & non nisi in laudes Vestras Vocalem fecistis, cum sententijs Vestris vel à sola auctoritate Vestra, & exemplo defensis satis de robore esset prospectum.

um. Prospectum anné hîc meum? an totos Ma-
gni SVCCAMERARIÎ in Vos conuertitis ocu-
los? qui ipsius Nobilium fortunæ Metatores estis.
Magni mensuram Nominis nunquam magis im-
pletis; quàm cum sine mensura affectus bene de
Vobis meritis refunditis, cùm Vestris Metam vir-
tutibus nullam ponitis. Nullo magis vos argu-
mento cœlestes esse probare potestis, quàm quòd
in finibus terræ versamini. ita finitimi cælo; vt
Virtus Vestra, nullo vnquam vitiorum confinio
lædatur. Vos ego Fortunæ aut Os, aut Manus di-
xerim, quia, quid hæc datum alijs, quid ablatum
velit, Vestro Ore pronunciat, Manibus Vestris
partitur. Dicam semel omnia, LESZCZYNII,
pæne aut PRINCIPES, aut Nobilitatis Principes
sunt. Vos hîc Saluto Pretiosi Regno THESA-
RARIÎ, aureâ nunc si quando Eloquentiâ, argen-
teo torrente facundiæ mihi opus esse sentio, vbi
Vos nominaui, è quorum manibus ipsa omnium
benefactrix Patria Opem, an Opes? præstolatur.
nisi quòd vtrumque ita impenditis; vt Vos Soli
verè aureos montes polliceri, immò & præstare
possitis. quàm cari Regno estis, quos toto sibi de-
uincire auro ambit. Bene Thesaurus Vobis cre-
ditur, quos carissimum Regni Thesaurum raræ
Vestrae fecêre Virtutes. Omne iam pridem Æra-
rium perdidisset Patria, nisi Vos seruaretis: nisi
Gentilitij Vestri Leonis excubijs ac Gladio muni-
retur. Et cui æquiùs Neruus belli, quàm bella-
toribus traderetur? ac quibus, aurum auro, aurea

E

nempe

nempe addere merita princeps cura est. Quidni
& Regina Pecunia Vestrae fidei concrederetur?
quorum Sanguis Sceptra etiam Regia in magno
Vice Rege Predislao tractauit, dum Regina sola
pares illis afferre non potuit manus. O infractum
vel Atlantem Poloniae, vel Herculem! cuius hu-
meris tota Regni moles federat feliciter, casura si
in alium incidisset. Nempe illi Caput ipsum au-
reum Coronae, aurea dextra Sceptri vicem tam
pulchrè impleuerat; quàm ille vices Regias. Quid
hîc iam dicam, immò quid non dicam de Sapien-
tissimis Regum sapientiae interpretibus CANCELLARIIS? quis hîc mihi Deus, vel illi vni nu-
per extincto Prædecessori Tuo Principi, ante
Cancellario Eloquentiam prædicando parem? e-
ius vocem ita quondam in Senatu Vocalem, totâ
vt audiretur Poloniâ, *Pingere nemo potest*. Licet vel
in auro Aureus, vel Candidus in argento, vel in-
uictus in marmore, nostris iterum reddatur aspe-
ctibus, Illustrissimus sui Nominis Vir, ANDREAS:
licet illud pectus, quod altior Sapientia inhabita-
bat: frontem illam Maiestatis domicilium, indicet
illum animi & generosarum testem cogitationum
atque interpretem vultum: manus illas Poloniae
iuuandae pares, viuis iterum Ars excitet colori-
bus; Vocem illam amicam Regno, formidabilem
barbaris, nemo potest pingere: nemo exprimere,
nisi, TV, PRINCEPS Illustrissime, qui succedis.
Ita Vos ambit Diuus Honor, quasi dedignaretur
alios se transferre ad Penates; quando sibi tantum
lucis

lucis à Luce Vestra sentit adiectum. Et, vbi, tot
meritorum quàm gemmarum pondere grauior
Mitra resideat, aut quid potiùs quàm meritum
CAPVT coronet? Atq; alijs plerumq; alibi lin-
gua adest felicior; at non & caput: Caput alijs,
sed non & lingua: nec pari felicitate, quæ eloquã-
tur, inuenire possunt, & eloqui, quæ inuenerint.
Tonant eloquio, ac fulgurant, & miscent Curiam,
sed quia rationum absunt pondera, euanida illa
fulmina vix aures feriunt. VOBIS vel ex arma-
mentario auiti CAPITIS paratum rationum ro-
bur. Atque, vt alibi non vnum censet Regia, qui
Tenet occiditq; loquendo: ita Vobis dicentibus, timet
Curia, ne desinatis. scilicet in dicendo etiam no-
bilitatem Vestram præferre videmini. Nec verò
demiror, quòd Vestro CAPITTE Ciuium pectora
expugnetis, quando hunc ipsum arietem, & hosti-
libus dum admouetis Arcibus, CAPITTE muros
penetratis. Sed verò, ornato utcunq; à me Vestro
Capite, an Vestras victorijs Manus graues præter-
ibo inornatas? præteribo sexcētos, qui vel in offi-
bus vel in dirutis hostiū mænibus ære perenniora
sibi ferro Martio inscripsēre elogia? Vnus, Tu,
RAPHAEL, Heroum fortissime, manus inijcis
properanti licet, ad PRINCIPIS laudes Eloquen-
tiæ, qui ex equo simul & altiori Regalis fastu a-
nimi, felici hastiludio Regius Legatus deiecisti
Matthiam Hungarorum. Quantus es, qui vel ho-
ste meritis censore probari, stratum ad Tuos pe-
des despexisti Regem! quàm pulchrè hasta illa

Tua Annulum induit Æternitatis! quanta egit
dilecta illa Gradiuo dextera, cum serio egit, si tan-
ta peregit, vel in Scena! Admonuit iam tunc, cre-
do, Pannoniam, caueret; se, & Pannicos metus in-
ferre Sarmatis, quibus vel Pannonum Regem ex
equo deturbare lusus fuerit. Iam tum, nuperis
mihi prælusisse visus est triumphis, ac recentes vi-
ctorias nobilior Archimedes hastæ acumine illa
delineasse in arena. At immemores fastorum Pan-
nones inuitantis torrente fortunæ, (vt ferè secū-
da sunt improbæ felicitatis principia) temulenti,
saltatorio planè Poloniae in viscera ibant orbe,
fumo Polonum obscuraturi Nomen, antiquos
celaturi triumphos. Nempe non suis innixi, sed
tot similium sui succincti viribus, quibus Polo-
num haurire sanguinem, vino omni dulcior esset
voluptas. *Si quis es, insultes, qui Casibus, improbe, nostris,*
effer tantisper Diogenis è dolio indoctum caput,
& in Solem progredere, defines Polonam vulne-
rare Famam. Politica si in luce consistas, illustra-
beris; non illud cuipiam in orbe stupori esse de-
bere, quòd aliquà sui parte, sed quòd, non tota
corruerit Lechia, & victrix adhuc efferat è clade
caput. nimirum cum multum intersit, concurrât,
an succedant bella, & infortunia; nobis totâ mole
incubuere hostes, qui vel singuli atque diuisi, Re-
gnis singulis, immò vnitis etiam oppugnandis pa-
res essent. Nam, vt Vulturem Borealem, Regni
cadaueri inhiantem in auia interim ablegemus
nemora, Sueci ipsi illi sunt, quos alijs

Opi-

Fallere, & effugere est triumphus:

& Victores se putant, si non vincantur: ad omnes belli iniurias ab ipso natiuo cælo, soloq; durati. Vt verò ingentes illi tollunt animos, nempe Aëoliæ finitimi, ventorū patriæ. iam quæ humanitas illis? vel humi repentēs casās & iacentia Colonorum inuisere tuguria. quæ pietas? quæ Religio? Aras etiam secum auexerunt. quàm bellicum viris ingenium? dum ab illis aliò ostentantur arma, aliò inferuntur. quis mortis vitæque contemptus? (laudandi enim mihi sunt animosi hostes, quos vincendos nobis Fortuna obiecit.) Pauci erant, qui de spe malebant cadere, quàm de Arce: plures, qui ut speciosum Protectorum Poloniæ sibi tarentur nomen, vel cadaueribus illam protecturi procubuerunt. Ita certè, nunc etiam Poloniam iacentes tenent, & toto stringunt amplexu. quæ vincendi confidentia? ad Reginam etiam Urbem, Orbis Caput, spes protendebant. Sed opposuit nimirum Sanctissimus Custos Montium, vsq; adeò altis spiritibus, altiorē Pietatis Montem, atque exaggerata sua vsque ad cælum attollens merita, simul Romanas, simul Polonas, vel in distans agens, immò ubique præsens, Sacratior illa orbis anima, cælestibus Aquilas texit gratijs, cælo conterminus ALEXANDER. Gratias Fortunæ habemus, quæ nos in castris, quàm in delicijs esse maluit ipsâ infelicitate felices futuros. Altiùs enim fortasse in sinu pacis, & sub vmbra oleæ inter blan-

dientes Fauonios dormire cæperamus, excitandi fuimus, hinc rugitu Leonis, hinc Moschouitici clangore Alitis, inde Hungaricarum sonitu framæarum. Magnum par, & cæli dignum oculis steterat, Polonus cum tam potenter aduersa sibi Fortuna confligens: nec tot strictis contra se armis, arma submittens. tunc antiperistasis illa vires nostras intendit: tunc se Orbi alendo æqualem vidit Sarmatia, cum tot vndiq; nationes, quasi ad commune orbis horreum, ad metendas gladio fruges conuolâssent: tunc opulentiam maximè agnouit suam, cum amisit; quando post tot spolijs vestitas suis gentes, non minùs tamen ornata incedit, tunc robur, pectus, manum orbi probauit, cum vna tot contra staret, Gelonis pæne solis pacatam nobis in iridem arcus flectentibus. Quòd si qui minorum gentium siluis se potiùs texere, quàm galeis, his etiam arbores assurrexisse in trophæa, crede posteritas. inter robora versati, robur sic etiam, Regno ferebant, neque inter glandes, à glandibus remoti plumbeis, non ausu, quàm fortunâ maiori, erumpendo è latebris, abductos in nemora hostes, suo dolori, Famæ Polonæ immolabant, & inter feras, tam feros homines iugulabât. Ad CAPVT tum maximè Veltrum Illustrissime PRINCEPS, vestra & Consilia respexit Patria. didicit nimirû vel hostili sub ferula, ab ipsius exemplo hostis, non manibus feliciùs bella peragi, quàm capitibus, & ingenij acie quàm gladij. Iam & à fecunda, quia bicipiti Romana Aquila exquirere consilium

Re-

Regno placuit, & cum in acie nouaculæ res nostræ
essent, augere milite vicino acies. Viuat vincatq;
diu Inuidiſſimus IMPERATOR, qui protegendæ
Poloniæ Alas Aquilasque explicauit ſuas. At Tu
ſimilia præſtolare à Sarmatis Germania, ſi ſimilis,
ſocia arma (quod auertite Superi) appellauerit
neceſſitas. Verumenimuerò necquidquam vel
auxiliaribus armis, niſi & Aris defenduntur Regna,
certiusque à ſublatis ad cælum palmis, quàm ab
enſe clauaque armatis vel triumphalis palma, vel
oliua mitior exſpectari poteſt. Cum plerique ar-
cium inter caſus, caderent animo, Tui, Illuſtriſſi-
me PRINCEPS impauidi, vel ſi fractus illabatur
Orbis, Arcem pectoris, nec publicus ille motus,
nec fuga commouit. auditus fragor & labantium
ruina Urbium non niſi TE in genua deiecit. Ce-
cidisti ad Aras, vt ſtarent illæ: corruisti coronata
Sanctioribus vittis Victima, ne rueret, ſecundùm
cælum dilecta Lechia. globis igneis fortiores, la-
crymarum per ora volutarum globos, rotabas in
hoſtem. vt multos iratum mare, vt plures Vandali-
cum flumen, plurimos LVBOMIRSCIANI non
ſegniter decurrentis ad gloriã, FLVMINIS, profun-
dum hauſerit; at plurimorum in hoc ego paruo
freto, in piſſimis Tuis, cælo teſte, affuſis lacrymis,
contemplor naufragia. Quot verò manipulos
centuriaſti in hoſtem, cum tot egenorum centuri-
as ſuſtentaviſti: tot copias ſubmiſiſti Patriæ; quot
alienã miſericordiã viuentes, velut ſtipendiarios
cælo milites aluiſti. Facile erat triũphare hoſtes,

postquam iram Diuorum tot miserorum vocibus expugnasti. Tum iam qui tot mala in nos sparserat, aureum suum Malum perdiderat pæne Hūgarus; vnde velut è Fenellæ Pomo fatalia eruperāt in nos iacula. Si quod planè in Bellaria iam fauentior nobis proiecerat P O M V M Fortuna, Polonus capere voluisset Bellator, potuit; vt terni olim in Polonia fratres, simul feliciter strictis mucronibus iactatum supernè pomum, pari exceperant dexteritate. Hic si mihi Fatorum Fastos, fas sit consulere, vt vereor, ne non ideo ex turbida illa Lyæi Patria infuderit se Regno tempestas, quod plerique Baccho magis, quàm Marti litarent Poloni, & in libera Gente Libero Patri plùs liceret. O quantùm confuderant animos, cum è Sede sua tot Capita dimouerent infaustæ vineæ! sed expergefacta suis damnis Lechia, non, è Politicorū lege, hosti fugienti, aureos substernebat pontes; sed instare fugientibus & cedentes cadentesque cædere, tanti erat. Carpathiæ rubuère niues, cruore Pannonum, cum non in vitam minùs illorum, quàm in Vites, ferro vindice sæuitū esset. Augur ego, palmarum apud vos laurorumque fertilior exurget messis, Poloni, quando in vitibus, vitijs agnatis, hebetare mucronem placuit. Iam tum ego vobis, amicio rem promitto Graduum, postquam bellum Baccho inferre cæpistis, magis sobrius iam, inter suas vites Hungarus, magis sobria & Vobis dehinc, excisis vineis, nascentur consilia. nulli nisi genere indecores, & è fæce populi, exhaustas

haustas sibi opes, exhausto pensabant mero. generosior Heros, sanguinem ardentius sitiebat. Serò illum audaciæ pænivit suæ, quisquis Regnum rapere maluerat quàm expectare. tunc, & Leoni, qui vel rapaci ex ungue Leonem se probavit Poloniæ, erat qui accineret fugienti;

Ipsè Leo, damâ, Ceruoq; fugacior ibat.

Cogitassent utinam hostes nostri! nihil felicibus cogitandum anxius, quam quòd possint esse infelices: nihil magis timendum Victori, quàm quòd non timet. Nihil frequentius, quàm è Victoribus Victos, è Victis, Victores fieri; grauioresq; plerùmque ab ipsa Victoria, quàm à cladibus clades esse. Nempe quos Victoria gloriosos, eosdem malè securos, mox & facit inglorios: nec tam facilè vlli furculus inseritur arbori, quàm Lauro cupressus, nec vllibi magis variantur quàm Orbis in theatro fati auctoribus Scenæ. Quanquam, quid nos accusamus Fata, cum facta debemus? frustra damnamus tempora, quæ ipsi facimus. Eadem certè ætas & Herculem & monstra parit: eodemq; seculo leones & cerui viuunt. ferreos fati, nunc nobis dura prouiderant Fata Annos, Polonis; sed Polona Virtus, ferro Martio, ferrea refinxit in aurum tempora. Ergo tua mihi, simul aurea, simul ferrea concede, Phæbe, iacula. aureorum, aurea meorum esto Virtus Polonorum, ferreis, Scopum designo nullum. quare irasci mihi, vnus ille poterit, qui suam Orbi ignauiam voluerit confiteri.

Ergonè tantum nata prioribus
 Exempla Seclis? & Marcoticas
 Cladesq; calcatasq; Lunas,
 Et veteris simulacra pompa,
 Et decolores sanguine barbaro
 Errasse Lymphas, Historici graues,
 Narretis ad focum Nepotes;
 Dum tremulos fouet ignis artus?
 Fadum! maritas cum galea interim
 Iungunt columbas, inq; tremens Veru
 Recusus, infami coquina,
 Prælia post, famulatur ensis.
 Quod si resurgant magnanimi Patres,
 (Tumbas iacentium namq; citant tuba)
 Non tela noscent Posterorum,
 Non animos similesq; vultus.
 In fusa, pulchræ belligerantium
 Iuistis hastæ, palla tegit Virum:
 Quæras, puellares, Achillem
 Inter acus, nimiosq; florum
 Inter quasillos, & Specula, & Choros
 Inter; facetos tinnula prouocant
 Dum sistra Conuiuias, lyrisq;
 Mollibus insonuere tectâ.
 Non militaris buccina, Martios
 Accendit ausus; non litui Viros;
 Imbelle sed Carnu, latentes
 Terret apros, pauidasq; damas.
 Quin & profundas cingitis arbores
 Frustra, hinc Melampis, retibus hinc: fugâ
 Ducente, palantes per antra,
 Inde feras pepulistis omnes,
 Campisq; Vobis cedere cum pavor
 Metusq; suasisit, nunc leporum cohors,
 Toto audet emicare campo:
 Nec metuit lituorum acutum
 Vulpes fragorem: prodit inertibus
 Et ceruus antris, cornibus annuit
 Proditq; Victori, trementes,
 Se quibus occuluere siluis.

Euertit, altum quicquid ad æthera
 Reptabat olim, Spiritus amulo
 Incensus astro, publicæ vix
 Umbra Rei, sua res cuiq;
 Priuata cordi vel miserabili
 Regni sepulcro, panè velit, domum
 Fundare Cuius, & ruinis
 In Patriæ supereminere
 At iustus æther subruit omnia,
 Cum stare quisquis celsior appetit:
 Cum singulis regnare votum;
 Imperium patiuntur omnes,
 Frenumq; mordent. dissimiles Aus
 Quæcunq; gignunt Regna, cadent: labat
 Moles triumphorum, & vetusta
 Alta ruent monumenta Fama.
 At non & audax Sarmata deseris
 Virtute Patres, addis adoreis
 Tuas auitis, & paternos
 Exuuiis decoras triumphos.
 Iure, & Canino nomine fertilem,
 Victoriosi qui Virides Lechis
 Surrexit in palmas, & alto ex
 Ossibus intumuit trophæo,
 Campum citatis. nam neq; Vos merum
 Et plena tantum Cæcuba funditis;
 Hostile sed tabum, salute
 Pro Patriæ. neq; Varma frustra
 Narratur enses sanguine Thracio
 Fleuisse pictos, cum neq; vos domi
 Carchesium longa cingit
 Obsidio, vitreiq; muri.
 Quin & Lokietko Sarmatia inclytam
 Metire Famam, tendit in ardua
 Non erubescendus Nepotum
 Nunc etiam, similisq; Patri
 Se tollit ardor. iure Othomanica
 Regum Sepulcris Cynthia palluit
 Vicina ad umbras; signa iure
 Totq; Aquila micuere raptæ.

Iurè, & Leones sculpimus Orbibus,
Ipsi Leones fortibus editi,
Pares Auorum: sculptus auro
Iurè volat, phialisq; plenis
Inscriptus Ales. Sarmatica, in globos,
In tela, & enses posteritas volat;
Taboq; cadibusq; pictas
Explicuit generosus alas;
Iam pæne pennis qui ruerat suis
Polonus Ales: non Alemannica
Quem tela deiecisse calo,
Non Getici potuere nerui:
Hunc destindrat sanguinea ferox
Discordia Arcus, quem violentior
Lunauit infelice voto
Ambitio, tumidisq; nuper
Inflata Spebus, candidior niue
Ille ille nuper fulminis impiger
Minister Ales, purpuratis
Erubuit sua damna pennis.
At Fata Lechus mox bene prosperis
Emendat armis, sanguine diluit
Ferroq; probra: stat ruinis,
Casibus, excidiisq; crescit.
Dispone Victor, non minor Hercule
Post bella mensas; Herculeos tibi
Pax ipsa cum Scyphos propinat
Vina nouis redimito lauris

Quis tantam tam breui Poloniæ pacem Casusue
 Deusue attulerit, si quæris posteritas? primū ante
 omnes GLADIUS DOMINI & CASIMIRI, huic
 trophæa sacrat omnia grata Sarmatia: tum & Du-
 cum ac Heroum, Vnicælo, Religioni, Famæ, Li-
 bertati, Stipendiaria arma Polonorum. Incide-
 mus breui, cælo auspice, emerita istorum omni-
 um, Polonæ in Arce Famæ, Nomina. Interim,
 totam distinent atq; occupant Eloquentiã no-
 stram,

stram, Vestra ILLVSTRISSIMI LESZCZYNII,
Vestrae in CAPITOLIO Gloriæ recens adiecta
virtutum, meritorumque simulacra. Grauiissimū
Stemmatis Vestri CAPVT Sueticæ toties Sapien-
tiæ, Leonem Leoni, ferro gladium obiecit Polo-
nia. Nodum Gentilitij Insignis Vestri Gordio
quouis expertus est fortiozem, dum quicunq; in-
solentiùs se efferēte audaciâ, insaniret, vel strenuæ
Manus, vel Sapientissimi CAPITIS vestri vincu-
lis cōstrictus fuit. Nā quid ego hīc INCISORIS REGNI,
auitā suaque luce Illustrissimi, æternas quā parte
incidam laudes? Quis Te ardua super Famæ Capi-
tolia alatus attollat Pegasus Illustrissime Heroum
Sanguis, DERPATENSIS CASTELLANIDES? Sed
Te sublimiùs Tua virtus effert Martia, Tuus, ipso
Te Sessore tanto, tantò audacior animosiorque
quadrupes, calcatos, protritōsq; ad Arcē Gloriæ
vehit per hostes, ferro Tuo deiecta barbarorum
capita, Tuam disertius muta loquuntur fortitudi-
nem; quàm disertissimorum Voces Oratorum, ita
nobilissimus ipse Tuarum actor simul es, Oratorq;
virtutum, qui IN ORE GLADI tantum facundiæ
habes; vt fugam hosti, triumphos persuadeas Tuis,
minusq; calamis nostris egeas; qui hostili copiosi-
us sanguine laudes Tuas scribis. Quid PALATINOS
LESZCZYNIANÆ DOMVS, immò & Regni
sidera, Scipiones Patriæ, Lumina Reipublicæ,
quibus orationis exornem luminibus, qui tristio-
rem nuper in Sarmatia noctem, iam liberali auro,
iam forti ferro, iam aureis illustrauēre, Lucemq;
H Patriæ

Patriæ, Luci Patriam reddidère consilijs? Quæ
illa POSNANIENSIS PALATINI decora? qui splēdores
Legationum? qui triumphi Eloquentiæ, clauso
vagina ense, solo styli acumine victorias animoso
holti, aut ex spe superba, aut ipsis etiā planè è mani-
bus eripiētis? Quod PALATINI LENCZYCIENSIS in
Patriam studium, in hostem animus, in omnes Co-
mitas? Nam Militaris quidem Tua Gloria, non
vicinas tantùm Silesiæ, sed attonitæ etiam Ger-
maniæ remotiores impleuit aures: iuit à Tuo nō
chalybe magis quàm generosâ audaciâ armato pe-
dore resultans Nominis Tui Echo, & centum TE
latè distulit per Populi Ducumq; ora, ac Procerum
linguis; auditus armorum fragor Tuorum. Famæ
ego potius illas crediderim, quā Tuas fuisse TVBAS,
quibus ita animasti Tuos; vt exanimares hostem,
Boleslaueciaque arce depelleres. Siste calame, sci-
licet verò eius tu attētes elogia, cui armata Pallas
hastæ acumine, suas melius in arce hostili erepta,
Æternitati inscripsit panegyres. Sileat Melpo-
menes Tuba, cuius victorias vocalior Bellonæ
Tuba sonat. Tibi quidem distinctas à PRINCIPLE
moliri laudes necquidquam opus, ILLVSTRIS-
CASTELLANE BREMENSIS, ad totas TE suas Alterū SE
ILLVSTRIS- admissit PRINCEPS, qui easdē
propè ac tantùm non replicatas amat in TE SE di-
gno FRATRE, æstimatque virtutes. Singulis Vo-
bis Libri sacrandi singuli: immò integræ gestis ve-
stris Historiæ implendæ essent; nisi longè pulchri-
ùs Elogia Vestra, in Vno PRINCIPLE pulcherrimo
velut

velut in Compendio legerentur. Quare neque Te
Tuis longius morabor laudibus non factis minùs
eloquentem, quàm Verbis ILLVSTRISSE PRO-
CANCELLARIE BOGVSLAE LESZCZYNSKI, qui
quâ dexteritate, prudentiâ, meritis, Thesauri Cla-
ues tractaueris, dum in his ad SIGILLVM TIBI &
nouos Honores aperuisti, probasti. Nota Poloniae
Sapientia Tua, cicurabis hanc AQUILAM in vsum
Polonae gloriae, quae feliciter manibus Tuis insedit.
Vt Pliniana illa floribus tantùm educatur Aquila;
sic praedam huius, auguror, futuram, florentissima
bene vel in Curia, vel in Castris meritorum REGI
praesentare merita. Assequuntur boni omnes for-
tunatae huius Aquilae venatu Honorum praemia.
ornabitur rursùm melioribus plumis, & quibus
nudata est, iterum se pinget coloribus. euolabit al-
tius, quae tot haecenus sauciata telis, alas demiserat.
Neque verò ita TV SIGILLVM in manus sumis; vt
gladij quoq; , cui Tuum assuetum latus, oblitus,
vel proprio cruore, si ita Mars iubeat, non sis hanc
Aquilam purpuraturus. Tot magnae virtutes Tuae
obsides sunt in Polonia, futurarum: & qualem TE
iam Lechicus expertus Orbis: talem, id est, Magno
Sanguini, sibiq; similem experietur. Impendes eos
Poloniae nervos, quos iam antè contra Suecum cū
neruo belli impendisti. At TV, ante alios Feli-
citatìs istius pars magna immò princeps es PRIN-
CEPS ILLVSTRISSE, pridem iam vel TV
grauitate vultus didicisti maris castigare leuitatem.
Meminit Patria cum in Gallijs Gallicus planè

Hercules, aureis Oris Tui catenis, iam tum totam
vinxisti Galliam, cum VLADISLAO, quem pa-
rem suo imperio habuit Polonia, Reginam Sere-
nissimam illigasti: Aluerint olim suam Troiani
Oratores, ut dulcius loquerentur, Lilijs facundiã.
Tu Gallica inter Lilia, Orator planè florentissi-
mus, dum Tibi Herbam tota porrexit Gallia, id
est, MARIAM, ipso nomine florentissimam. Sed
enim infidele hospitium Mare, tam pretioso vix
suscepto deposito, fluctibus minari cæperat. an ex-
hilarata tantorum præsentia hospitum exiliebant
æquora? an futurarum conscia nuptiarum FLV-
MINA plaudebant manu, & festiuis tripudiantis
Poloniæ iam præludebant choreis? At rarò sine
nauigantium lacrymis salit insanum mare. iam
humida Mors irrepebat in Nauē, sed ipsa MARIA-
NI Nominis umbra satis erat ad salutem, ad puniē-
dam freti petulantiam, Tuus satis vel aspectus. Ita
nimirum nuperis etiam procellis surgentibus, &
Suecicus ad modestiam, quòd se composuerit Pon-
tus, modestiam nisi vereretur vulnerare Tuam, di-
cerem, quod sentio liberè: dicam tamen. cum Tu-
os, lacrymis pæne naufragos, ostendisti cælo vul-
tus, Tu vel maximè à naufragio Poloniam, ab im-
portunis hospitibus, hostibus inquam, Arces &
palatia liberaisti. Cessit hostis, ne caderet, maluit-
que occupatis ex Arcibus cedere, quàm è vita, &
iniquus possessor, suis Dominis, alienas reliquit,
inglorius extorris ædes.

Nam

Nam, quæ innocentium nata cruoribus,
 Et rapta fædis laurea fraudibus
 Irrepsit in Sceptrum, caduco
 Flore viret; neq; longa iniquo
 Excisa ferro viuit adorea:
 Nexusque palmarum, aufugiunt data
 Pacisque, subscriptique pacti
 Immemorem, fideiq; dextram.
 Auara quicquid, diripuit manus;
 Auara rursus restituet: redit
 Pena in nocentes: sæpe, rapta,
 Ad dominos rediere priscos.
 Pæne occupatis, fugit ab arcibus
 Suecus, Polonus redditur adibus.
 Virtute PRINCEPS, insulatam
 Magnus adis, habitator Aulam:
 Ut taniati sponte palatij
 Valuæ recedunt! æthere faustitas
 Ut gaudiorum cinctâ lato
 Deproperat, decorumq; serto!
 LESZCZYNIANÆ Magnificencia
 Altè ut triumphat Gentis, in effedum
 Subuecta Famæ! Purpurati
 Agmen agunt titulorum. At omnes
 Extinguit ignes, nube modestia
 Suoq; diues, maior honoribus
 Totaque maiestate PRINCEPS
 Diuitias pretiosiores,
 Se infert. Auitæ ô Sidus Adorea,
 Quis Te? sereni quis capitis iubar?
 Cerasque stellantes, quis alti
 Sanguinis, ingenisque venas,
 Exuberantis Munificencia,
 Quis sparsa latè dona, meridiem
 Quis ira inexpertâ sedentem
 Fronte, superciliq; cassâ;
 Quis æstuantis pectoris ignei
 Faces, & Aris testibus additos
 Imbres, inexhaustasque Magnæ
 Mentis opes, animique census,

*Procul per Aulas & Procerum atria
 Et Regiarum culmina turrium.
 Denarret; ac ÆTERNITATEM
 Erudiat TVA, PR ÆSVL, Acta?
 Ter Sistra Phabus, ter Tibi tinnulum
 Intendit aurum, ter iaculo TVA
 Incidit aurato, cedrisq;
 Nomina, Apollineisq; saxis
 Ter, viue Regni COR, AMOR Ætheris,
 Dixere Cali, ter Lechicus polo.
 Respondit Orbis; Viue, Regni
 COR, AMOR aetheris, & triumphæ.
 Auditis? ô quæ, prætereuntium,
 Aures salutant, nabilia Nubium!
 Portenta Cali! mota cantu,
 Ad choreas, teretemq; circum
 Dum iuncta dextris, subsilientium
 Eunt in orbem, saltibus, ô Tuum
 Ut ritè, VENCESLAE, doctis
 Sidera composuere Nomen!
 Ergo orba nuper Patre palatia,
 Et vsta flammis marmora barbaris.
 Ridete: Vos nigrata fumo,
 Aureus irradiabit Hospes.*

Talem Te accipient, iam Hospite tanto augusti-
 ora, iam opulentiora Palatia, PRINCEPS Illustris-
 sime, in quibus, vt omnia splendidissima sint, nihil
 tamen, Domino ipso splendidius, cui non Auorū
 tantūm imagines, sed virtutum magis sanctissima
 colere simulacra solenne est. Quanquam, quo vul-
 tu illæ magis pingantur, quam Tvo? Assurgite tā-
 to Hospiti Tiaratæ Arces, non se, vnum infert ille
 Vobis, infert omnes velut in nobile Compendiū
 actos, atq; in se vno collectos LESZCZYNIOS, ac
 illum ante alios, cuius in Virtutes pariter Titulos
 que succedit. Nimirū ad prodigiosas Virtutes eius

acce-

accedere solùm potuit; vt Archipræsuleos etiam
Cineres animaret permistâ luctibus arenâ præ-
sepultos. idem iterum sanguis, idem V R V S Sena-
torius, eodem effulget in Solio. ita totum à nobis
abijisse illum vix credo, cum hic succedit. Propè
est, vt exclamem

Mira cano. Sol occubuit; Nox nulla Secuta.

Per ipsa damna crescitis, Casibus statis, Illustrissi-
mi LESZCZYNII. O Domum florentissimam,
atque aureæ illi æmulam Arbori, vbi,

Primo auulso non deficit alter

Aureus, & simili frondescit Virga metallo

Falce nuper ferali præcisum C A P V T, auro rursus
accenditur, ac Vitæ Vittisq; redditur. Agnosco
rediuiuo in C A P I T E, rediuiuæ Polonæ Felicita-
tis imaginem. hæc etiam cum iam ad busta frigen-
tia desisse, & exangues tumulos videretur, cum
ab hoste, hausto tanto suo sanguine, impalluisset,
in occasu suo spargit radios, rursusq; pæne ipsa ab
urna viuit. Hoc Polonum, hoc LESZCZYNIA-
NVM est. Cupressus ipsas in laurus vertere, & à se-
pulcralibus tædis, ferè iam emortualis Gloriæ iu-
bar accendere. Quare, lætiora vt desint Regno au-
guria, ex Vestro Vno C A P I T E, ex T E Vno Il-
lustrissime P R I N C E P S fausta omnia capit omina.
Iam enim placatos sibi D I V O S sensit Cælites, cum
Nobilissimum Munus, id est, Optimum, & Deo
simillimum, P R I N C I P E M T E receperit. Profectò,
vt irati ætheris certissimum est argumentum, si
improbos, velut Cometas in sublimè euectos,

supra cæterorum attollat Capita: ita quoties irasci
(irasci diu nescia, Sanctior illa Curia,) desierit mor-
talibus Optimos, hoc est, Tui quàm simillimos
in, celsissima dignitatum subuehat fastigia. Tuas
profectò PRINCEPS Archipræsul, tota Patria, nō
aliter intuetur Infulas, quàm diuinitùs sibi tot in-
ter fluctus ostensas Infulas, & Bonæ Spei Promon-
torium. Hoc ex Virtutibus Tuis haurit Oraculū,
quæ Te adornauerunt Infulis, immò quibus Tv
adornasti Infulas. Nam cùm magnis meritis Ve-
stris Magni PRINCIPES, non aliter latere, quàm
Soli liceat, iam conspectiores tanto in CAPITE, iā
altiores esse Tiaras necessum est. Alij fortasse alibi,
quò sublimius subuehuntur; tantò apparēt Mino-
res. nam & Cælorum Astrorumque, hæc, si fas lo-
qui, infelicitas est, quòd in altum, subuecta, à no-
bis tantilla videntur. Dux ipse luminum, Lunæ
Orbe apparet angustior, quia decurrit altior; at
TVÆ TECVM creuere Virtutes, atque in Celso
Solio, emicant celsiores. nempe nunquam altior
PRINCEPS, quàm cùm ad infimos subditorum, to-
tam Solij demittit amplitudinem, vt viles etiam
plebeiaque animæ, eò possint adrepere: nec ex
alta dignitatum arce minores despicit cliuos, sed
ex alta mentis specula, in quos aurea missilia iacu-
letur, obseruat. Sæpe, alios, indignos dignitatibus
Honor inuenit, alios facit; & rexisse digni pleriq;
nisi rexissent, plerique tales ante purpuram, vt
præesse non mererentur, tales in purpura; vt me-
rerentur non præesse: In Te omnia eadem post
redi-

redimitum Nouis Infulis CAPVT, nisi quod etiā
ampliora. COMITEM Te & ex Comitibus natum
iam ante memineras, vt nunquam solitariē, nun-
quam amplissimo sine comitatu incederent Vir-
tutes TVÆ? nunc PRIMVS PRINCEPS, tantō
numerofiore Virtutum Meritorumq; Coronā sti-
patus incedis. Patebat semper Aula Tua, ijs quibus;
Curia pauperibus clausa est? patet nunc latiūs Si
quem deiiciebat in genua, (quem autem non dei-
ceret? diuinæ vicina Maiestas Tua) eam cōtinuo
attollebat atq; erigebat humana maior humanitas?
erigit atq; attollit. Nunquam Vos, ô vicina Cae-
lo Nomina; terrarum Vos Numina magis proba-
tis, quàm cum hominibus, humanos Vos ostendi-
tis! quæ illa, quàm diuina humanitas Tua PRIN-
CEPS Illustrissime, qui ne vota Tuorum differres,
& gaudia, inter ipsa Te funera inferre properasti:
cum feretrum attolleret vbiq; & sepulcro, super,
& cumulis extinctorum Mors superba triumpharet,
Tu humeris circumfusæ Nobilitatis illatus es,
cum tot exstinguebat Atropos vrbis faces, tum Il-
lustrissimus, inter vmbras apparuisti: tum atratum
VRĪ CAPVT, (colorem hunc à Regiæ Mentis
interpretibus Calamis toties tractatis atq; à sepiā
traxit) concolor nempe atratis pullatisq; fatis ostē-
disti, properasti; vt voce, quā & auram consecras,
pestem difflares, tot irradiasti splendoribus; cæcā
vt mortem vmbrasq; depelleres Tuā Luce. Iure
Te vel extremo anhelitu, nempe Vitam Suā, sub-
diti anhelabant. iure se nunc in noui ac benefici

aspectum sui sideris effundunt omnes. ac fata iam
alij ad se inuitant, satis se vixisse rati, & postquam
Te vidēre Solem suum, communem hunc fasti-
diunt: alij tum primū longissimos vitæ annos,
tum primū vel Argi optant oculos, vt T E bono
suo, bono Patriæ, exortum Astrum, quā diutif-
simè contemplantur. O felicem Annum, quem à
Tuis bene auspicatum inchoamus triumphis! me-
diam inter hiemem, optimus quisque, Tui amori-
bus incalescit. Niuem ipsam, argenteas sibi abiisse
in Rosas, cana credit in Lilia. instar veris enim
Vultus Tuus affulsit Patriæ. & hæc ipsa ætatis, ca-
no meritis, Capiti Tuo aspersa bruma, Rosis gra-
tiū ligustrisque efflorescit. O felicem Ianuarium,
in quo nec Aprilem desideramus, qui omnis Feli-
citatē, omnem gaudiorum ianuam nobis aperuit!
O quā læto omine Cælestis signū Aquarij Sol
ingreditur! augurium habemus in manibus, om-
nem nobis Te PRINCIPE, æther impluet ac
propinabit Felicitatem. At enim vt per confertos
Senatorum ordines, egenorum ad Te tot prore-
punt examina! vt vmbre illæ, audenter T V O S
inter splendores versantur! agnoscunt nempe, sibi
exortum Numen, nec tantum iam Magnum SA-
CERDOTE M, sed vnicam repertam fortunis suis
ARAM, id est; perfugium ac Solatium commune
omnibus. Cæcā mihi ampliū ne fingite fortu-
nam Vates. neq; illa proijcit tantū beneficia sua,
sed & nouit locare. locauit prudenter tanta Mu-
nera, ac tuum, plenā manu, non temerè congeffit
in si.

in sinum. Ille nimirum es, qui in pedibus etiam, aures habere videris. ita ad benefacta velox es. Nihil habet, nec Fortuna Tua maius quam ut possis; nec natura melius, quam ut velis plurima largiri quam plurimis. Iure Fortunatissimus es inter Optimos, quia Optimus inter fortunatissimos. O Diuinam Virtutem Tuam, cum Tibi tot Fortuna facultates dederit, non aliter illis, quam quantum per Cæli Superumq; leges licet, vteris! Rarus alioqui hospes, in Magnæ Fortunæ Domo Magna Pietas, apud Te regit Aulam, & Claves tenet. Tu Tuis opibus Opem Patriæ, Templis, Castrisque præbes. Tu ornas Sacerdotes Aris, Sacerdotibus Aras. & quidquid alibi profano usu delinquere Nummi; pio per Te excusant, atque in Templis veniam assequuntur delicti. Non pateris, ut sub TE PRINCIPLE, *clarius calcaria fulgeant quam Altaria*. Non pateris, ut ita suos miseri patiatur Manes; quin Archipræfuleâ CRUCE Tuâ malam ab eis fortunam abigas. Tuum Aurum auram infirmis inspirat meliorem. Tu superbam ad Xenodochia, ad obsequia egenorum amandas Pecuniam. O quantum Famæ thesaurum colligis, dum nummos spargis! Plerique si quid erogauerint Pietati, dolent, se pecuniam, quia non perdiderunt, perdidisse. Tu PRINCEPS Illustrissime, tum Tibi diem iam perditam putares, quâ non aliquis auro Tuo illustratus abiret. O vltrices Parcæ, rumpite Parcæ vitæ stamina: at tam munifico PRINCIPI aurea extendite Secula. Securus sit annorum qui

pæne amoris respirat aurâ. vt sua, adhuc Polonis,
spoliatis arma supersunt; ita & inopibus, quos inimica
spoliauit Fortuna, Gentilitia A R M A supersunt,
quibus aduersam Fortunæ tyrannidem vincant.
Sciunt illi non solùm tutandæ Patriæ altiores
CAPVT Vestrum cogitationes fouere; sed & pijs-
simos suæ protegendæ inopiæ cogitatus. Ignosce
religioso candori Illustrissime A R C H I P R Æ S V L,
nunquam plures, quàm sub TE P R I N C I P E ge-
munt, plurimorum exaudiuntur latè gemitus,
qui pro Te suspirant cælo: è cuius salute sua depen-
det Patriæq; vita. nam & huius vsibus aurum Tuū
Teque impendis P R I N C E P S A V R E E. Vtinam
ad Tui imitationem ferreæ eorum flecterentur
mentes, qui sibi, qui Patriæ, aurea, cum emere pos-
sint secula; malunt ferrea. Si miserorum eos non
miseret, Patriam suam saltem heredem sibi, Famā-
que scriberent. expedirent vtinam illos in argen-
to Leones, Suecicos in Leones: opponerent vul-
turi Moschouitico, argenteas Aquilas, pharetratos
in auro Equites, tanquam auxiliares submitterent
copias; pridem iam & Leones & Vultures abegis-
sent. Tua hæc Fortuna, Tua Gloria ô Illustrissi-
me P R I N C E P S, qui non egenos hoscé tantum
Cæli milites; sed simul, animos fortes, & *natos ad*
bella Polonos munificâ manu fulcis. Quæ T v iam
nunc, Titulis etiam opibusque auctior, aurea in
egenos missilia ipso Aquilarum è Nido, quæ in
hostem torquebis *fulmina*? quæ ardentia ex Tuis
Arcibus, ad Superos tela? vt viuידæ, vt semper
recen-

recentes, quia in Nido, adolescent atque euola-
bunt feliciter Virtutes Tuæ! adolescent atque e-
uolent, sed serò ad emeritum licèt tot Titulis im-
mortalis GLORIÆ CAPITOLIVM, tardiùs ad
nouas Æternitatis Tænias euocentur. Ita exhi-
larata Tuis Honoribus, & in spes altiores erecta
Illustrissimæ Celsitudini Tuæ vouet Patria. Ita
Infulata publici Consilij CAPITA, quorum simi-
les (ignoscite Tiarati Manes) nescio, an tanto nu-
mero Sacra illa viderint vnquam subsellia? Alta
in Pace, ipsa secum dimicat Polonia, Urbesque
ac Oræ, de suorum excellentia ANTISTITVM
contendunt, & suum quæque præfert alijs. cer-
tant de suis Præsulibus singulæ secum, mecum
omnes. Vincat quæcunq̃ue aut vincatur, mea
æquè omnibus se submittit facundia; quia omnes
vt summos veneror. Veritas tuam fidem! quot,
hodie Præsules, tot Oracula Sapientiæ, tot viua
Virtutum simulacra: vt vel hinc metiri liceat
quantus sis Illustrissime ARCHIANTISTES, qui
vel inter Maximos tamen Maximus es. Ita Tuis
applaudit triumphis, & Cælo pro Te supplicat
Perillustre CAPITVLVM, in quo quot censen-
tur numero; totidem non annorum magis quàm
Sapientiæ adularumque Virtutum aspersa ca-
nitie Capita, pretiosæ velut gemmæ, Te Suam,
immò Regni cingunt Coronam: velut stella-
rum examina Tuis irradianda fulgoribus suum
Solem coronant: velut mellitos elaboraturæ
Apes annos, fauum suum floremque stipant.

Ita denique (quanquam Tuis in laudibus non in-
uenitur hoc ipsum Denique) Tibi Illustrissime
PRINCEPS, Magno ARCHIPRÆSVLI Mi-
nima Rauensis Collegij Societas IESV maxima
precatur à Deo Maximo, (quando Honorum
iam non potest maiora) annorum meritorumq;
incrementa. Ita ardentibus totius desiderijs
Poloniæ, PRINCEPS PACIS

Annuat, & votis subscribant Astra secundis.

A. M. D. G.



in-
ime
Mi-
ima
um
nq;
s

Biblioteka Jagiellońska



stdr0016688

